



Մ ՈՒՐՔ ԶԱԿՈՐ

ԱՌԱՋՆՈՐԴԱՆԻՍ ՄԱՅՐ ԵՒ ԿԵՂԵՅԻ



ՏՈՒ ՄՈՒՐՔ ԷԶՄԻԱԾԻՐ

23 ՅՈՒՆԻՍ 2019

Կիրակնօրեայ Ընթերցումներ	Էջ	1
Ծանուցում	Էջ	2

ԸՆԹԵՐՑՈՒՄ
ԱՌԱԿԱՑ ԳԻՐՔԷՆ
 (9.1-6)

Ի մաստուծիւնը իր տունը շինեց,
 եօթը սիւներու վրայ կանգնեց զայն.
 Իր գոհերը մորթեց,
 համեմով խառնեց իր գինին
 եւ կոչունքի սեղանը պատրաստեց:
 Ապա իր ծառաները զրկեց
 որպէսզի քաղաքին բարձունքներէն կանչեն իր
 բեռնով.
 «Ո՛վ անզգամներ, ինծի եկէք»,
 եւ պակասամիտներուն ըսեն.
 «Եկէ՛ք իմ հացէս կերէք
 եւ իմ պատրաստած գինիէս խմեցէք.
 Թողուցէ՛ք անզգամուծիւնը, որպէսզի ապրիք.
 Իմաստուծիւնը փնտռեցէք, որպէսզի փրկուիք,
 եւ խոհեմութեան ճամբան բռնեցէք»:

ԸՆԹԵՐՑՈՒՄ
ՋԱՔԱՐԻԱ ՄԱՐԳԱՐԷԻ ԳԻՐՔԷՆ
 (3.7-4.9)

Ա յսպէս կ'ըսէ Ամենակալ Տէրը.- «Եթէ իմ
 ճամբաներէս քալես եւ իմ հրահանգներս
 կատարես, քեզ իմ տաճարիս կառավարիչ եւ իմ
 սրահներուս պահապան պիտի կարգեմ, եւ հոս
 կանգնած հրեշտակներուն պէս՝ ազատ պիտի ըլլաս
 սրբարանս՝ իմ ներկայութեանս մտնելու: Լսէ՛
 ուրեմն, ո՛վ Յեսու, մեծ քահանայապետ, դուն եւ քու
 դիմացդ նստած քահանայ ընկերներդ, որովհետեւ
 դուք գալիք բարիքներուն պատկերացումն էք:
 Ահա ես պիտի զրկեմ իմ ծառաս, որ Ընծիւղ պիտի
 կոչուի: Որովհետեւ ահա Յեսուի առջեւ քար մը
 կը դնեմ, որ եօթը երես ունի: Անոր վրայ ես իմ
 արձանագրութիւնս պիտի փորագրեմ: Մէկ օրուան
 մէջ պիտի վերցնեմ այս երկրին անօրէնութիւնը:
 Երբ այդ օրը գայ,- կ'ըսէ Ամենակալ Տէրը,- ձեզմէ
 իւրաքանչիւրը իր ընկերը պիտի հրաւիրէ իր
 որթատունկին կամ թգենիին տակ հանգչելու»:
 Հրեշտակը, որ հետս կը խօսէր, վերադարձաւ

եւ զիս արթնցուց ճիշդ ինչպէս քնացած մէկը
 կ'արթնցնեն, եւ հարցուց ինծի.

- Ի՞նչ կը տեսնես:

Պատասխանեցի.

- Ձոյլ ոսկիէ աշտանակ մը կը տեսնեմ, որուն
 վրայ գնտածեւ ձիթաման մը եւ եօթը ճրագներ կան,
 իւրաքանչիւրը յատուկ բերանով մը: Աշտանակի
 կողքին երկու ձիթեհիներ կան, մին գնտածեւ
 ձիթամանին աջին, իսկ միւսը ձախին:

Ապա հարցուցի ինծի հետ խօսող հրեշտակին.-
 «Ի՞նչ են ասոնք, ո՛վ Տէր»: Եւ պատասխանեց.
 «Չե՞ս գիտեր ինչ են ասոնք»: «Ո՛չ, Տէր», -
 պատասխանեցի: Այն ատեն հրեշտակը ինծի
 բացատրեց.

«Տէրը այս պատգամը կու տայ Զօրաբաբելի.-
 "Մեծ գօրքով կամ գէնքի ոյժով չէ, որ պիտի
 յաջողիս,- կ'ըսէ Ամենակալ Տէրը,- այլ իմ Հոգիովս:
 Ո՛չ մէկ դժուարութիւն պիտի կանգնի դիմացդ, եւ
 նոյնիսկ եթէ լերան մը պէս ըլլան՝ պիտի հարթուին
 դաշտի նման: Իմ ժառանգութիւնս եղող տաճարին
 վերջին քարը դո՛ւն պիտի դնես եւ այնտեղ իմ
 շնորհքս պիտի բնակի"»:

Տէրը դարձեալ ինծի խօսեցաւ, ըսելով. «Զօրաբաբելի
 ձեռքերը զրին այս տան հիմքը եւ նոյն այդ ձեռքերը
 պիտի աւարտեն անոր շինութիւնը: Երբ ասիկա
 կատարուի՝ պիտի գիտնաք, թէ Ամենակալ Տէրը զրկեց
 զիս ձեզի»:

ՊՕՂՈՍ ԱՌԱՔԵԱԼԻ
ԵՐՐԱՅԵՑԻՆԵՐՈՒՆ ԳՐԱԾ ՆԱՄԱԿԷՆ
 (9.1-10)

Ա ըզարեւ, առաջին Ուխտը իրեն յատուկ
 պաշտամունքի կանոններ եւ երկրաւոր
 սրբարան մը ունէր, երկու վրաններէ բաղկացած:
 Նախ կար արտաքին վրանը, Սրբութիւն կոչուած, ուր
 կային աշտանակը եւ առաջաւորութեան հացերուն
 սեղանը: Ապա երկրորդ վարագոյրին ետին կար
 միւս վրանը, Սրբութիւն Սրբութեանց կոչուած, ուր
 կային ոսկեայ սեղանը՝ խուսկի ծխելու համար եւ
 ուխտի Տապանակը՝ ներսէն ու դուրսէն ոսկեպատ,
 որուն մէջ կը պահուէին մանանայով լեցուն
 ոսկեայ սափորը, Ահարոնի ծաղկած գաւազանը եւ
 ուխտի տասնաբանեայ պատուիրաններուն քարէ

տախտակները: Տապանակին վրայ կային Աստուծոյ փառքը ներկայացնող քերովբէները, որոնք իրենց թեւերով հովանի կ'ընէին Քառութիւն կոչուած կափարիչին վրայ: Ուրիշ մանրամասնութիւններու մասին խօսիլ չեմ ուզեր հիմա:

Սրբարանը այդպէս յարդարուած էր ու-րեմն: Քահանաներ պաշտամունքը կատարելու համար մշտականօրէն կը մտնէին առաջին վրանը: Բայց երկրորդ վրանը միայն քահանայապետը կը մտնէր տարին մէկ անգամ, այն ալ՝ իր եւ ժողովուրդին անգիտութեամբ գործած մեղքերուն փոխարէն զոհի արիւնը մատուցանելու համար Աստուծոյ: Այդ բոլորով Սուրբ Հոգին ցոյց կու տար թէ որքան ատեն որ արտաքին վրանը կանգուն կը մնար՝ բուն Սրբարանին մուտքը մեր առջեւ փակ էր, ինչ որ խորհրդանշականօրէն կը ցուցնէ թէ ներկայիս այդ Սրբարանը բաց է մեր առջեւ: Այնտեղ մատուցուած նուէրներն ու զոհերը չէին կրնար մաքրել պաշտամունքը մատուցանողին խղճմտանքը, որովհետեւ միայն ուտելիքի, խմելիքի եւ մարմնական մաքրութեան համար սահմանուած պէսպէս լուացումներու կապուած էին: Եւ այդ կարգերը ի զօրու էին մինչեւ ուղղութեան, այսինքն նոր կարգերու հաստատման ժամանակը:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԵՆ
ԸՍՏ ՅՈՎՀԱՆՆԵՍԻ
(10.22-30)**

Չմեռ էր. Երուսաղէմի մէջ տաճարին նաւակատիքի տօնակատարութիւնը տեղի կ'ունենար: Յիսուս տաճարին Սողոմոնի սրահին մէջ կ'երթեկէր, երբ իր շուրջ հաւաքուեցան հրեաները եւ հարցուցին. «Մինչեւ ե՞րբ մեր հոգին պիտի հանես. եթէ դուն ես Քրիստոսը՝ յստակ ըսէ՛ մեզի»:

Յիսուս պատասխանեց. «Արդէն իսկ ձեզի ըսած եմ, սակայն չէք հաւատար: Այդ գործերը որ Հօրս անունով կը կատարեմ, անոնք իսկ կը վկայեն՝ թէ ո՛վ եմ ես: Բայց դուք չէք հաւատար, որովհետեւ իմ ոչխարներէս չէք: Ես ոչխարներս կը ճանչնամ. անոնք ձայնս կը լսեն եւ կը հետեւին ինծի, ու ես անոնց յաւիտենական կեանք կու տամ, անոնք բնաւ պիտի չկորսուին: Ո՛չ ոք պիտի կարենայ զանոնք յափշտակել իմ ձեռքէս: Հայրս այդ ոչխարները ինծի տուաւ, եւ ոչ ոք կրնայ յափշտակել զանոնք իմ Հօրս ձեռքէն, որովհետեւ Հայրս բոլորէն աւելի մեծ է: Ես եւ Հայրս մէկ ենք»:

ԹԵՐԹԻՎԻ ԱՆՆՈՐԴ ԹԻԲԵՐ
ԿՐԱՔ ԳՏԱԵԼ
www.sourphagop.net
ԿԱՅԲԷՉԻՆ ՎՐԱՅ

ՍՈՅՆ ԹԵՐԹԻՎԻ Ե-ԱՃԱԿՈՎ ԱՏԱԿՈՒ
ՀԱՄԱՐ ՁԵՐ Ե-ՀԱՍՅԷՆ ՈՒՂԵՐԿԵԾԷՔ
eglise@sourphagop.net

ՏՆՕՐՀՆԷՔ
Տնօրհնէք փափաքող
ընտանիքները,
թող բարեհաճին դիմել
Տ. Գառնիկ Աւ. Քհնյ. Գոյունեանի,
հեռաձայնելով
514 909 5203 թիւին:

ՅԱՅՏԱՐԱՐՈՒԹԻՒՆ
Կիրակի, 7 Յուլիս 2019-էն
սկսեալ
Եկեղեցւոյս Ս. Պատարագը
պիտի սկսի
առաւօտեան ժամը 10.30-ին:

ՀԻՒԱՆԴԵՐՈՒՄ ԱՅԵԼՈՒԹԻՄ
Բարեհաճեցէք հեռաձայնել
Արժ. Տ. Գառնիկ
Աւ. Քհնյ. Գոյունեանի.
514 909 5203 թիւին:

ՀՈԳԵՀԱՆԳԱՏԵԱՆ
ՁԵՐ ԱՐՁԱՆԱԳՐՈՒԹԻՒՆԵՐՈՒ
ԱՆԽՕՐՕՔ ԿԱՏԱՐԵԾԷՔ ԿԱՊՈՒԵԼՈՎ
ԵԿԵՂԵՑԻՈՅ ԴԻՒԱՆԱՏՈՒՄ: